

Қазақстан Республикасы Президентінің "Өндірістік кооператив туралы" заң күші бар Жарлығына өзгерістер мен толықтырулар енгізу туралы

Қазақстан Республикасының Заңы 2001 жылғы 12 шілде N 241-II

Қазақстан Республикасы Президентінің "Өндірістік кооператив туралы" 1995 жылғы 5 қазандағы N 2486 Z952486_ заң күші бар Жарлығына (Қазақстан Республикасы Жоғарғы Кеңесінің Жаршысы, 1995 ж., N 20, 119-құжат; Қазақстан Республикасы Парламентінің Жаршысы, 1996 ж., N 14, 274-құжат; 1997 ж., N 12, 183-құжат; N 13-14, 205-құжат) мынадай өзгерістер мен толықтырулар енгізілсін:

1. Тақырыбы мынадай редакцияда жазылсын:

"Өндірістік кооператив туралы" Қазақстан Республикасының Заңы".

2. Кіріспесі мынадай редакцияда жазылсын:

"Осы Заң өндірістік кооперативтердің құқықтық жағдайын, оларды құрудың, қызметінің, қайта ұйымдастырудың және таратудың ұйымдық, экономикалық және әлеуметтік шарттарын, мүшелерінің құқықтары мен міндеттерін, басқару және бақылау органдарының өкілеттігі мен

жауапкершілігін айқындайды".

3. Бүкіл мәтін бойынша "Жарлықты", "Жарлыққа", "Жарлықтың" "Жарлықта", "Жарлық" деген сөздер тиісінше "Заңды", "Заңға", "Заңның", "Заңда", "Заң" деген сөздермен ауыстырылсын.

4. Мынадай мазмұндағы 1-1-баппен толықтырылсын:

"1-1-бап. Өндірістік кооперативтерді құрудың және оның қызметінің негізгі принциптері

Өндірістік кооперативтер мынадай принциптер негізінде жұмыс істейді:

мүшелікке кіру мен шығудың еркіндігі;

мүліктік (пайлық) жарна енгізу міндеттілігі;

басқарудың демократиялылығы;

өзара көмек және оның мүшелері үшін экономикалық тиімділікті

қамтамасыз ету;

өндірістік кооперативтің қызметі туралы ақпаратқа қол жететіндігі.".

5. 2-бапта:

3-тармағындағы "кооператив мүшелері" деген сөздер "жарғы" деген сөзбен ауыстырылсын;

4-тармағының екінші бөлігіндегі "ережелері осы" деген сөздер "нормалары осы" деген сөздермен, "ережелері қолданылады" деген сөздер "нормалары қолданылады" деген сөздермен ауыстырылсын.

6. 3-бапта:

2-тармағындағы "Құрылтайшылар" деген сөз "Өндірістік кооперативтің құрылтайшылары" деген сөздермен ауыстырылсын;

мынадай мазмұндағы 3-тармақпен толықтырылсын:

"3. Өндірістік кооператив құрылғаннан кейін құрылтайшылар кооператив мүшелері болады және өндірістік кооперативтің басқа мүшелерімен бірдей құқықтар мен міндеттерді иеленеді."

7. 5-бапта:

1-тармақтың 8) тармақшасындағы "пайда мен" деген сөздер "таза табыс пен" деген сөздермен ауыстырылсын;

3-тармағындағы "кооператив басқармасының" деген сөздер "кооперативтің атқарушы органының" деген сөздермен ауыстырылсын.

8. 6-баптың 1-тармағы мынадай редакцияда жазылсын:

"1. Өндірістік кооперативтің жарғысында:

- 1) кооперативтің фирмалық атауы;
- 2) кооператив орналасқан жер;
- 3) өндірістік кооператив мүшелерінің қабылдану, шығу және оларды шығару тәртібі, олардың құқықтары мен міндеттері;

4) кооперативтің басқару және бақылау органдарының құрамы мен құзыреті туралы ережелерді қалыптастыру және олардың шешімдер қабылдау соның ішінде бірауыздан немесе басым көпшілік дауыспен шешім қабылданатын мәселелер бойынша шешімдер қабылдау тәртібі;

5) өндірістік кооперативтің әрбір мүшесі пайының мөлшері, өндірістік кооператив мүшелерінің мүліктік жарнасының құрамы мен оны енгізу тәртібі және олардың жарна енгізу жөніндегі міндеттемелерді бұзғаны үшін жауапкершілігі;

6) кооператив мүшелерінің кооператив қызметіне жеке еңбегімен қатысу сипаты мен тәртібі және олардың жеке еңбегімен қатысу жөніндегі міндеттемелерін бұзғаны үшін жауапкершілігі;

7) кооператив пен оның мүшелері, кооперативтің атқарушы органы мен қызметкерлердің еңбек ұжымы арасындағы өзара қарым-қатынастар;

- 8) кооперативтің таза табысы мен шығындарын бөлу тәртібі;
- 9) кооперативті қайта ұйымдастыру мен тарату тәртібі туралы мәліметтер болуға тиіс.

Өндірістік кооперативтің жарғысында осы Заңға қайшы келмейтін басқа да ережелердің болуы мүмкін."

9. 7-бапта:

1-тармағы мынадай редакцияда жазылсын:

"1. Өндірістік кооператив мүшелерінің мүліктік жарналары бастапқы

капиталды қалыптастырады және кооператив қызметін құру мен ұйымдастыруға, сондай-ақ шығындарды жабуға арналады".

7-тармағындағы "өз жарнасы" деген сөздер "жарна" деген сөзбен ауыстырылсын.

10. 9-бапта:

1-тармағында:

1) тармақшасы мынадай редакцияда жазылсын:

"осы Заңда және кооперативтің құрылтай құжаттарында белгіленген тәртіппен кооператив істерін басқаруға, сондай-ақ кооператив мүшелерінің жалпы жиналысының жұмысына бір дауыс құқығымен қатысуға;"

4), 5) тармақшаларындағы "пайданы", "пайдадан" деген сөздер тиісінше "таза табысты", "таза табыстан" деген сөздермен ауыстырылсын.

8) тармақшасы мынадай редакцияда жазылсын:

"демалуға, сондай-ақ жыл сайынғы ақылы еңбек демалысын алуға;"

9) тармақшасындағы "әлеуметтік сақтандыруға және" деген сөздер алып тасталсын.

11. 11-бапта:

1-тармағы мынадай мазмұндағы сөйлеммен толықтырылсын:

"Өндірістік кооперативтің мүшесі осы мерзімдер өткеннен кейін кооперативтен шыққан болып есептеледі."

2-тармақ мынадай мазмұндағы екінші бөлікпен толықтырылсын:

"Өндірістік кооперативтің мүшелігінен шығару туралы шешімге сотқа шағым жасалуы мүмкін."

3-тармақ 3) тармақшадағы "өндіріп алған" деген сөздерден кейін нүктелі үтір қойылып, "жағдайда тоқтатылады." деген сөздер алып тасталсын және мынадай мазмұндағы 3-1) тармақшамен толықтырылсын:

"3-1) кооператив мүшесі өндірістік кооперативтің қызметіне жеке еңбегімен қатысудан бас тартқан жағдайда тоқтатылады."

4-тармағындағы екінші сөйлем алып тасталсын.

12. 13-баптың 5-тармағындағы "кооператив пайдасының" деген сөздер "кооперативтің таза табысының" деген сөздермен ауыстырылсын.

13. 15-баптың 2-тармағы мынадай мазмұндағы 1-1) тармақшамен толықтырылсын:

"1-1) кооператив қызметінің негізгі бағыттарын айқындау;"

4) тармақшасы мынадай редакцияда жазылсын:

"4) кооперативтің ішкі еңбек тәртібі ережелерін, лауазымды адамдарының, оның мүшелері мен қызметкерлерінің еңбегіне ақы төлеу туралы ережелерді және кооперативтің басқа да актілерін қабылдау және өзгерту;"

14. 17-баптың 6, 7-тармақтары алып тасталсын.

15. Мынадай мазмұндағы 17-1-баппен толықтырылсын:

"17-1-бап. Өндірістік кооперативтің аудиті

1. Кооператив өндірістік кооперативтің жылдық қаржылық есептілігінің, сондай-ақ оның ағымдағы ісінің жай-жағдайы дұрыстығын тексеру және растау үшін, кооперативпен, оның атқарушы, бақылаушы және өзге органдарының мүшелерімен немесе кооператив мүшелерімен мүліктік мүдделер арқылы байланысы жоқ аудиторды өзінің жарғысында белгіленген жағдайларда және тәртіппен тартуға құқылы.

2. Кәсіпкерлік қызметтің жекелеген түрлерін жүзеге асыратын өндірістік кооперативтер үшін жылдық немесе өзге қаржылық есептілікке аудитті міндетті түрде жүргізу заң актілерімен белгіленуі мүмкін.

3. Өндірістік кооперативтің қаржылық қызметіне аудит байқаушы кеңесінің, тексеру комиссиясының (ревизордың), сондай-ақ кооператив мүшелерінің кемінде он процентінің талабы бойынша жүргізілуі мүмкін. Соңғы жағдайда осындай тексеру жүргізуді талап еткен кооператив мүшелері аудитордың қызметіне ақы төлейді.

4. Егер өндірістік кооперативтің атқарушы органы кооперативтің қаржылық есептілігіне аудит жүргізуден жалтарса, ал мұндай тексеру міндетті болса не оны жүргізуді өндірістік кооперативтің мүшесі талап етсе, мұндай тексеру мүдделі адамның не өндірістік кооператив мүшесінің өтініші бойынша қабылданған сот шешімімен тағайындалуы мүмкін."

16. 18-баптың 6-тармағының бірінші бөлігі мынадай редакцияда жазылсын:

"Басқарма өзінің шешімін кемінде үш айда бір рет өткізілетін отырыстарында қабылдайды".

17. 22-баптың атауындағы және 1, 2, 3-тармақтарындағы "пайдасы",

"пайда", "пайданы" деген сөздер тиісінше "таза табысы", "таза табыс", "таза

табысты" деген сөздермен ауыстырылсын.

18. 23-бапта:

1-тармағы мынадай редакцияда жазылсын:

"1. Кооператив мүшелерінің еңбек жағдайлары осы Заңмен және кооперативтің құрылтай құжаттарымен, ал кооперативте жеке еңбек шарты бойынша жұмыс істейтіндердің еңбек жағдайлары - Қазақстан Республикасының еңбек туралы заңдарымен реттеледі.";

2-тармағы алып тасталсын;

3-тармағының екінші, үшінші, төртінші бөліктеріндегі "жалданбалы" деген сөз алып тасталсын;

4-тармақ алып тасталсын;

7-тармағындағы "жұмысшылар мен" деген сөздер алып тасталсын;

8-тармағында:

бірінші бөлігіндегі "жалданбалы", "міндетті әлеуметтік" деген сөздер алып тасталсын;

екінші бөлікте:

"жалданбалы" деген сөз алып тасталсын;

"жеңілдіктер" деген сөз "кепілдіктер" деген сөзбен ауыстырылсын;

"жұмысшы және қызметкер әйелдер үшін" деген сөздер алып тасталсын;

үшінші бөлігінде:

"мүшелері" деген сөзден кейін "және қызметкерлері" деген сөздермен толықтырылсын;

"жеңілдіктерді" деген сөздер "кепілдіктерді" деген сөзбен ауыстырылсын;

"жұмысшылар мен қызметшілер үшін заңда" деген сөздер "еңбек туралы заңдарда" деген сөздермен ауыстырылсын.

19. 7-тарау алып тасталсын.

Қазақстан Республикасының
Президенті

Мамандар:

Қасымбеков Б.А.

Икебаева Ә.Ж.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК